

Enformaziuns y Comunicaziuns

Sopoltöres: Al è na bela y bona cossa che al vën ples sopoltöres fat ofertes empede ciöf sön fossa. Al è na bona opera y mostra inçe le respet y la reconoscionza por la porsona defunta. lu prëii dër bel che les ofertes vëgni fates i pröms dis o la pröma edema dô la sopoltöra, por che an pòi les mëter sön la plata de ploania dôtes adöm. Al po sozeder fai, y danlò mo scusi, mo prëibel nia lascé passé massa tomp. Les ofertes rōa sogü al post destiné. Al vën plü iadi protesté o lamenté. Sce an po les encündé le pröm iade, fössel mefo manco prigo che ares ne vëgni nia motüdes sön la plata. (Le Ploan)

Solidarieté: Oramai èl gnü na tradiziun por Cherubina Ploner da Pederoa da jì en iade al ann ia tla Romania con aiüç por la jont co à debojügn. Eniann piaràra ia ai 13 de mà. Chi co oress la sostigni con na oferta, po la mëter sön so cunt tla Raiffeisen da Pederoa - IBAN: IT58M 08010 59130 000303015343. Iolan de cör a düc chi co daidarà.

Sontada: Düc i mëmbri dla Enteressonza de Fanes è enviës ala sontada anuala, en domëgna ai 28 d'aori ales 10 danmisdé, tla Gran Ciasa d'La Pli.

Comun/1: Ai 26 y 27 d'aori, dales 8 ales 12 y dales 14 ales 19 vëgnel cou adöm le refodam grô, tla plaza dlungia la pumpa dal penzinn. Pal refodam grô alda de gran patüc, co n' a nia lersch tai contegnidus: madroc, montli zonza cërtil, material de izolaziun y condüta, func de plastiga y filz, patüc de maiolica y e.e. **Tarifes:** montli zonza cërtil - 2,50€ l'önn, madroc - 5,00€, material igienich sanitar (lavandins, seles, bidet, etc.) - 8,00€, vasches da bagn 10,00€. An ne po nia dé jö aparac eletrics (dlaciaries, televijiuns, computer, mascinns) adorës da privaç, aparac eletrics industriai, refodam grô de lën (möbli, telari, finestres etc.), eri vedli de mascinns o de ciasadafü, ciomont de ciasa, metal vedl. La deponia da Cìamaor sarà daverta chisc dis dales 8 ales 12 y dales 13:30 ales 17.

Comun/2: Cìamó cöst'edema èl motü fora te Ciasa de Comun les chertes dai toponims dal comun de Mareo, laorades fora dal Istitut Ladin "Micurà de Rù". Düc à la poscibilitè da jì a ti ciarè y eventualmonter inçe fà proposes o osservaziuns. Ai 23 y 24 d'aori dales 9 ales 12 sarà inçe te Comun la sign. Silvia Liotto dal Istitut, por dé enformaziuns d'öga.

Doturs: Le dotur Marcocci sarà demez dai 22 ai 24 d'aori. Empede èl sarà le dotur Ziad Barakat (tel. 342/6651513), te ambulatorio d'Al Plan, con i medemi orars. Le dotur Agreiter sarà demez ai 26 d'aori, ai 2 y ai 3 de mà. Al vën sostituì dla doturia Mahlknecht, co è da ciarè al nr. 349/0667034.

Mostra: Cìna ai 26 d'aori pòn odèi tal salff dla Raiffeisen d'Al Plan i dessëns fac dai mituns de Mareo en gaujiun dal 43. concurs internazional de dessën Raiffeisen. La mostra è daverta dal lönesc al vëndres dales 8 ales 12:45 y dales 14:45 ales 16:15.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Telefönn y fax de calogna: 0474 501006. Radio Ploania: MhZ 93,00

Comunicaziuns - cìna al dédemesaledema sèra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: [/www.valbadiadonline.it/comunite/ploanies/al-plan-de-mareo.html](http://www.valbadiadonline.it/comunite/ploanies/al-plan-de-mareo.html)



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radios 93,00 MhZ

Domëgna dal Bun Famèi - CREJIMA - ai 21.04.13 - nr. 21

Redaziun dla plata: Angela Zingerle, Margot Pisching, Pablo y Max Palfrader

Iu ti dà vita eterna!


Dal vagnele dô San Jan, 10, 27-30

Te chël tomp à Gejù dit: ²⁷Mies biesces ascuta mia usc; iu les conësci y ares mo vën dô. ²⁸Iu ti dà vita eterna. Ares ne jarà mai ademal y degügn ne m'les straciàra fora de mia man. ²⁹Mio Pere, co m'les à dades, è plü gran co düc, y degügn n'è bogn da ti les stracé fora dla man a mio Pere. ³⁰Iu y le Pere sun na cossa sora.

Parora dal Signur. - Lalt a té, Gejù Crist!



Cari Crejimandi,



tla Crejima dijëise "IO". Con osc "IO" respognëise a ci che i èis aldi y ciarè da Gejù Crist: a ci che i atri ves à dit y cunté sön Chël Bel Dio, sön la fede cristiana y nosta Dlijia. Con osc "IO" confermëise chël "IO" che üsc geniturs y tòc à dit por os, canche i sëis gnüs bacës. I dijëis "IO" a nosta fede, co è na fondamonta por dôtes les situaziuns dla vita. Y con cösc "IO" ne sëise nia susc. Dan da os n'èl sté en gröm co à belo dit "IO" ala fede te Gejù Crist. Con le sacramont che i ciarëis encö fajëise pert de na morona lungia de porsones, co à belo motü man dan da 2.000 agn te Israel, y co ne s' a cìna encö mai cìamó rot ia. Sën sëise enstësc responsabli da vire osta fede. I sëis enstësc responsabli da ponsé sora a ci che osta fede val por os y inçe sce y cò che i orëis la vire.

Domëgna: 21.04.2013: IV. Domëgna de Pasca: dal Bun Famëi
Aministraziun dla Crejima: Kan. Dr.Ulrich Fistill



Oferta por i bojügns dla Ploania

9.30: Salüt dal Kan.Ulrich Fistill fora dal Sole
10.00: S.M. solëna con aministr. dla Crejima (I. y II. media)
 Con empormetüdes dal Bato
 S.M. en onù y rengr.dal Spirit Sant
 N.B. Iolan Siur Ulrich Fistill dla gran scincunda

Lönesc:22.4. Feria dla 4.edema de Pasca: S.Kajus, S.Wolfhelm

7.15: S.M. aniv. por +nta Anna Ploner - Campe
 S.M. por +nt Palfrader Feghile, Corjel
 S.M. aniv. por +nta Feichter Hilda
 S.M. por +nt Gianfranco Tartalia

Dédol.:23.04. Feria dla 4. edema de Pasca: S.Georg, S.Adalbert, Sa.Pusinna

Envit a vijita privata te dljia

Dédem.24.04 Feria dla 4. edema de Pasca: S.Fidelis, S.Marian, S.Wilfrid

18.00: S.M. de rengr.por fam.Erardi Oswald y Christine
 S.M. aniv.por +nta Palfrader Zilia, Fordi
 S.M. por +nt Friedl Ferdigg, Pech da Mantëna

Jöbia 25.04. Memoria de S.Merch Evangelist, S.Erwin, Sa.Franca

18.00: Vijita y oraziun tal chît

Vëndr.:26.04. Feria dla 4. edema de Pasca: Maria dal Bun Consëi, Sa.Helene,

7.10: S.M. por i scolari
 S.M. por +nt Franco Migliorati
 S.M. por +nta Hanni Maneschg, Ciane
 S.M. por +nc' Erlacher, Torpei
15.00: Ora de adoraziun y oraziun

Sab. 27.04. Sa. Maria in Sabato: S.Petrus Kanisius, Sa.Zita, S.Nicola

14.00: S.M. Noza Kastlunger Manuel – Pedevilla Veronica
17.00: **Poscibilitè da se pissié**
18.00: S.M. por +nc' Comploi Rita y Castlunger Pepi
 S.M. por +nc' Rosina y Beppo Pitscheider
 S.M. por +nt Jepele Frontull
 S.M. por +nt Pitscheider Richard
 S.M. por +nc' Terza – Karbon
 S.M. por +nt Mutschlechner Albert, dal Pech
 S.M. por fam.Alberti

Domëgna 28.04: V. Domëgna de Pasca : S.Ludwig, S.Peter Ch., S.Hugo



Oferta por i bojügns dla Ploania

9.30: Funziun dla domëgna
10.00: S.M. por dōta la comunità

Tö, Spirit dla verité,
 Spirit Sant, implësceme,
 dëideme capì, òi ch'è important te mia vita.

Tö, Spirit dla forza,
 Spirit Sant dëideme,
 ch' i ciefes na bona fondamënta.





Tö, Spirit dla liberté,
 Spirit Sant delibrëieme,
 ch' i impares che la pësc y la iustizia vel por düc.

Tö, Spirit dl consëi,
 Spirit Sant, descëdeme,
 ch' i vëghes l'aventöra cun Dì.

Tö, Spirit dla sciënza,
 Spirit Sant, fàme ponsè sura
 ch' i respetëies deplü la creaziun.

Tö, Spirit dl' oraziun,
 Spirit Sant, prëia te mè,
 che Idì pois se baié fora te mè.

Tö, Spirit dl amur
 Spirit Sant, ciara de mè,
 ch' i pois vire tla speranza por dagnora.



AODANZES: Döt le bun, sanité y benedisciun a
Emma Mutschlechner *21.04.1922 - Elisabetta Comploi *21.04.1918
Emma Maneschg *23.04.1933 - Paul Trebo *27.04.1927
 y a düc chi co à santennom y complësc i agn cōst'edema



La comunità ti fej les mius aodanzas ai nüc
Manuel Kastlunger y Veronica Pedevilla
 co se dij de sciö dan da Chël Bel Dio.
 Che la benedisciun de Dio i acompagnëi.

Ofertes empede ciöfs sön fossa por la +nta Linda Kastlunger nasc. Huber

Por la Caritas: Fam. Pitscheider Francisca

A düc dër bel iolan y Dio sal paii!

Sorvisc dai Ministróné

Lönesc 22/04 (07:10h): Dedemesaledema **24/04 (18:00h),**
Vëndres 26/04 (7:10h): Matio y Julia Erlacher; **Sabeda 27/04**
(18.00h): Luca y Alice Daverda, Natalie Obojes, Costanza Brera,
 Elisa Coppola, Simone Crusafio; **Domëgna 28/03 (10:00h):** Lucia y
 Martina Obwegs, Luiana Clara, David y Sara Doria, Kevin y Mark
 Kastlunger

